


Iroun Beretitenti
Thomas S. Monson



Raoi, Tei Matoa

Nte bong teuana tabeua ririki n nako, imwiin tararuaan te mwakuri inanon te aobiti, I namakin te namakin ae e korakora ni kan kawara te aine ae e a bon kara are e a tia n riki bwa te aoraki ngaia n aia tabo kaara ake a maeka i Salt Lake City. I a buti nakoina n akea riki kawaiu.

Ngke I a nako ni kawaria n ana ruu, I kunea bwa akea kaaina. I titiraki nakon are e tei bwa e mena ia ao e tuangai bwa e mena n te lounge. I a kunea ikekei te aine aei are akea buuna ae tamaroa ma tarina ao temanna raoraona. Ti karekea te maroroo ni bootaki ae tamaroa

Ngke ti tabe ni kakaraki, temanna temwaane e roko man te mataroa ao ni karekea te soda man te vending mitiin. E taraai ao e taku. “Bukin tera, ngkoe Tom Monson.”

“Eng,” I kaeka. “Ao ko tara n aiaron Hemingway.”

E kaotia bwa bon ngaia Stephen Hemingway, natin Alfred Eugene Hemingway te mwaane, are e beku bwa te kauntira ngke I bitiobu inanon ririki aika a mwaiti n nako ao I wetea Gene. Stephen e tuangai bwa tamana e mena n te tabo naba aio ao e a bon kania matena. Gene e wewetea arau, ao te utu a tangiria ni kan reitaki ma ngai ma aki kona ni karekea te tareboon nambwa ibukiu.

I bubuti inaomatau n te tai ae waetata ao n nako ma

Stephen nakon te ru are e mena iai au kauntira ngkoa, ike tabeman aomata ma natina a botaki ni kabane iai, buna e a kaman mate inanon ririki ake mai imwaina. Kaain te utu a taraia bwa kaitibou ma Stephen n te runikatangaina bon ana kaeka Tamara are i Karawa ibukin nanoia bwa N na nora tamaia imwain matena ao ni kaeka ana tareboon. I namakinna naba bwa aei bon bukina, bwa ngkana e aki rin Stephen n te ruu are I kawaria n te tai raoi are e karaoia, N aki atakina bwa ngaia Gene e bon mena naba n te tabo anne.

Ti anga te kakabwaia nakoina. Tamnein te raoi e reitinko n tiku. E rang n tamaraoa ara kakawari, I mwiina are I nako.

N te bong are imwina te tareboon e kaotia bwa Gene Hemingway e a toki maiuna—tii 20 te miniti imwin karekean te kakabwaia mairoun natina ao ngai.

I karaoa au tatato ae mabu ni karabwarabwa nakon te Tama are i Karawa ibukin namakinan ana kairiri, are e kaira au kakawari nakon te tienta n tararua ao ni kairai nakon raoraou ae tangiraki Alfred Eugene Hemingway.

I tangiria n iangoia bwa ana iango Gene Hemingway n te tairiki anne—ngke ti namakina te tamnei, reitakira n te tatato ae mangori, ao ni katikui kakabwaia n te nakoanibonga—e kaoka riki te taeka are taekinaki n te anene “Te Matita, ibukin te Buaka ae Korakora”:

*Tiku, O te Tia Kabooira ae kakabwaiaaki!
Tai manga kitainai,
Ao ma te kukurei N na karekea te tabo n roro
Ao ni katoka kuau iaon te bike ae tamaroa.*

I teimatoa n tangira te anene anne ao ni kakoaua bwa e anga te karaunano:

*E ngae ngke e korakora te buaka ae orea taari
Ke riaboro ke muaane ke tera riki,
Akea tari ae kona kainakoae te kaibuke are e mena iai
Mwatitan marawa ao aon te aba ao karawa.
Ni kabanea a bane n ongotaeka iroum:
Raoi, tei matoa.¹*

Rinanon rannimata ao kataki, rinanon maku ao nanokawaki, rinanon te marakinnano ao te maroa ni buan ae ko tangiria, iai te berita bwa te maiu akea tokina. Ara Uea ao ara Tia Kamaiu ngaia te tia kakoaua ae maiu are e kaotia.² Ana taeka aika a tabu ake a koreaki a tau mwaitia: “Tei moa, ao kam na ataai bwa te Atua ngai” (Taian Areru 46:10). I kakoaua nakon te koaua aei.

BWAI AIKA ANA TAAKII

1. “Te Mwatita, ibukin te Buaka ae Korakora” *Hymns*, nambwa. 105.
2. Tara Richard L. Evans, “Ngaia are ti a bane ni maiu man karekea te maiu ae akea tokina,” *New Era*, Turai 1971, 18.

REIREI MAN TE RONGORONGO AEI

Aei te rongorongo are e kona ni karau nanoia naake a bua raoia ake a tangiriia ke naake a korakai n taian kangaanga. N ikotaki ma ana rongorongo Beretitenti Monson, iangoia n tibwa teuana man kibu man boki aika a tabu ake, ko reireinia: Iobi 19:25–26; 1 I Korinto 15:19–22; Motiaeaa 24:13–15; Doctrine ao Covenants 122:7–9. Ngkana ko kairai, ko kona n taekinna ana raoi te tia Kamaiu are e anganiko n am tai ni kataaki.

RORONRIKIRAKE

Taiaoka Kamaiua Nanou

Iroun Kelsey LeDoux

Natin kauringan maten tariu, I uring au tai ni iangoa te tai are e mate iai. I aki ti uringa te maraki are e nang korakora are I namakinna ma bon kakabwaia are e anganai te Atua.

I aki kona ni mataata raoi bwa a kanga n taekinna aomata bwa maten ae ko tangiria e kona ni uoti taian kakabwaia. I aki ota raoi bwa e na kanga n anganiko te kukurei ao te karabwarabwa ibukin te bwai ae rangi ni kamarakiko. E ngae n anne, iai te tairiki teuana are e bita aron au taratara ni kabanea..

I uti inanon te nukanibong ma nanou ae rangi n rawawata are e aki rereke mai imwaina. E bon rotai te maraki. I katorobubua iaon rangau ao n anga au tataro nakon Tamau are i Karawa. Ni kabanea maiu I a tia n reiakinaki ana Mwakuri ni Kamaiu ao ana Kakai ni kamaiu lesu aika korakora. Ngkai e a kataki au onimaki. I a tia ni kakoaua raoi? I bubutia Tamau are i Karawa bwa e na kamaiua nanou. Te maraki e rangi ni korakora bwa N na kaitara n ti ngai.

Ngkanne te namakin ae rau, mani kabebete, ao te tangira e rota rabwatau ni kabuta. I namakinna bwa te Atua e rabwatai ni baina ao man kawakinai man te maraki ae korakora are I namakinna. I bon reitinako n nanokawaki ibukin tariu, ma I kona n noria ni matau aika kaokoro. E rang ni mwaiti mairou are N na reiakinna man te bwai ae I rinanona aei.

I ataia bwa ana tangira ao ana raoi te Uea a tauraoi. Ti kainanoia n ti anaia.

ATAEI

Rineia bwa kona tei moa

Beretitenti Monson e taekinna bwa ngkana ti tei matoa ao man karinerine, ti kona n namakina te rau ao ni karekea ara kakoaua ae matoatoa ibukin Tamara are i Karawa. Ao te Tamnei ae Raoiroi e kona n tamaroa ana kairiri ni kawai ibukin buokaia tabemwang.

Koreia ke maroroakinna ma am utu teuana te kawai are kam na kona n tei moa iai. Mai ikanne ana ami tai n te wiiki aei ni kataia. Imwiin karaoana, ko kona ni koreia n am tieno taian namakin ao taeka ake ko namakin.



Te Mwakuri ni Kamarurung

Tataroakina kamatebwaiā te reirei aei ao, nakon riaina, marororakinna ma aine ake kam kawaria. Kamanenai titiraki bwa e na buokiko ni kamatoatoaia aine ao ni kamatoa te Botaki n Aine bwa iteran maium. Ibukin rongorongona riki tabeua, nakon reliefsoociety.lds.org.

Onimaki, Utu, Buoka

Ara burabeti, Beretitenti Thomas S. Monson, e kau ngaira bwa ti na “karoko irouia te koraki ake a tangira te ibuobuoki ao n tabekiarake nakon te kawai ae rietata ao te kawai ae tamaroa. . . . Aio ana mwakuri te Uea, ao ngkana ti mena n ana mwakuri te Uea, . . . ti tauraoi ni karekea n tainako ana ibuobuoki te Uea.”¹

Inanon ririki aika a mwaiti n nako LaVene Call ao toana ni kawari a kawara te aine temanna ae aki kakaonimaki. A karebwere-bwe n ana mataroa ao man kunea te aine temanna ae kunikainna n te kunikai n tebotebo. E tara ni mamara, ma a waekoa ni kunea ana kangaanga bwa ngaia mwiin te arekoro. Taan kakawari aikai a tekateka ao man maroro ma te tina ae uarereke man korakai aei.

Imwiin kitanana irouia, a taetae man taku, “Bon ngaia natin te Atua. Iai katabeara bwa ti na riai ni buokia.” Ngaia are a kakawaria n tainako. Ni katoa te tai, a kona n nora ao n namakina te bitaki nakon te tamaroa. A bubutia bwa e na ira te Botaki n Aine. Man kaitaraan aei, e bitaki ni waekoa man kaea ni katoa tai. Imwiin te kaunganano, ngaia ma kainabana ao natina te aine a kaea te taromauri. E namakina te Tamnei ae Raoiroi kainabana. E taku, “N na riai ni karaoa te bwai are e taku

te bitiobu.” Ngkai a rang ni kakanimaki n te Ekaretia ao n tia ni kabaeaki n te tembora.²

Man Koroboki aika Tabu

3 Nibwaai 18:32; Doctrine ao Covenants 84:106; 138:56

Man Ara Rongorongo ni Kawai

Buokaia te koraki ake a tia ni bua kawaia man kaokaki nakon ana euangkerio Iesu Kristo bon iteran aia mwakuri n taai nako Aomata aika Itiaki ni Boong Aika Kaitira ao membwa n te Botaki n Aine. Beretitenti Brigham Young (1801–77) e taku, “Ti riai ni iai ara tangira i bon iroura, . . . ao angania te koraki ake a kona n taratara ni kairia matakai ni karokoa a kona n nora te kawai i bon irouia.”³

Eliza R. Snow, te kauoman ni beretitenti n te Botaki n Aine ni Kabuta, e karabwarabwa te korakora irouia taian titita i Ogden, Utah, USA, ni kamatoaia i bon irouia. “I ataia bwa bwaai ni kabane a bane ni kanakoaki raoi [aei ni ireke-reke ma te mwakuri] are e aki roko n aia [rekoti] taian boki,” e taku. Ma kinakin tauan mwiina mai karawa e kawakinaki irouia titita n aia mwakuri ngkai a reitinako ni karoko na-koia te koraki are nanoia a rikirake ni mwaitoro, e taku: “Beretitenti Iotebwa Timiti e taku te botaki aei e

wakinaki bwa e na kamaiu tamnei. . . . Te boki are teuana e kawakina am onimaki, am akoi, am mwakuri aika tamaroa, ao am taeka. . . . Akea ae bua mai iai.”⁴

BWAI AIKA A NA TARAAKI

- Thomas S. Monson, “Te Wewete n te Mwakuri ae Tabu,” *Riaona*, Meei 2005, 55, 56.
- Te Reta nakon te Beretitentii n te Botaki n Aine ni Kabuta mairoun natin LaVene Call te aine.
- Brigham Young, inanon *Daughters in My Kingdom: The History and Work of Relief Society* (2011), 107.
- Eliza R. Snow, inanon *Daughters in My Kingdom*, 83.

Tera ae I Kona ni Karaoia?

- I koaua raoi n titirakinia titita aika aki kakaonimaki bwa a na kaea te Botaki n Aine ma ngai?
- Aine ake I tararuia a mwe ngaraoi n titirakinai ibukin taikan te euangkerio?